

Imigassat ilaannut Kalaallit Nunaanni immiorneqartunut akitsuutit pillugit Inatsisartut inatsisaata allangortinneqarnissaa pillugu Inatsisartut inatsisaat (Imigassat ethanolimik akullit Kalaallit Nunaanni immiorneqartut ullussaminnik qaangiisimasut akuiarneqarneranut akitsuummik utertitsineq)

§ 1

Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaat nr. 20, 11. december 2003-meersumi, kingusinnerpaamik Inatsisartut inatsisaat nr. 2, 24. maj 2019-meersumi allangortinneqartumi uku allangguutigineqarput:

1. § 7, imm. 1, imatut oqaasertalerneqassaaq:

” Annertussuseq akitsuusigassamit § 6, imm. 1 naapertorlugu naatsorsorneqartumit ilanngaatigineqassapput:

- 1) nioqqutissat ikuallattoqarneratigut, erngartoqarneratigut assigisaatigulluunniit suliffeqarfimmi imaluunniit suliffeqarfimmut suliffeqarfimmiilluunniit assartorneqarnerminni annaaneqartut,
- 2) nioqqutissat utertinneqartut, aki akitsuummik ilaqartoq pisisumut utertinneqarpat,
- 3) imigassat Kalaallit Nunaata avataanut nioqqutigineqartut, aamma
- 4) imigassat ethanolimik akullit Kalaallit Nunaanni immiorneqartut, qaangiunnerata kingorna, imaluunniit assingusumik killiliunneqartup kingorna akuiakkat atuisunut tuniniarneqarsinnaajunnaartut.”

2. § 19, imm. 1, nr. 2, imatut oqaasertalerneqassaaq:

”2) § 1, § 1 a, § 2, § 3, imm. 1, § 6, imm. 1, § 8, imm. 1, § 9, imm. 1 imaluunniit § 10, imm. 1 unioqqutippagu,”

§ 2

Inatsisartut inatsisaat ulloq 1. januaari 2024-mi atuutilissaaq.

Múte Bourup Egede (atsior.)
Naalakkersuisut Siulittaasuat

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut